

SORHUL, Documenti di Architettura Armena. V. 20, Milano, OEMME Edizioni, 1989, 111. p.

ՍՈՐՀՈՒԼ, Հայ ճարտարապետության վավերագրեր, հ. 20, Միլան, ՕէՄՄԷ հրատարակչություն, 1989, 111 էջ:

Պատմական Ատրպատականի՝ Հյուսիսային իրանի հայաբնակ գավառներում բազմաթիվ մեծ ու փոքր եկեղեցիներ են սփռված: Տարբեր առիթներով հայանցիկ ակնարկներ են նվիրվել հայ եկեղեցաշինության այս հուշարձաններին: Բայց միայն վերջերս՝ 1989 թ., Միլանում լույս տեսած «Հայ ճարտարապետության վավերագրեր» հայտնի մատենաշարի 20-րդ հատորում են պարփակվել Սալմաստ-Ուրմիայի, Թավրիզի և Մակուի (մինչև XX դ., վասպուրականի նահանգ) հայ կրոնական շինությունները՝ ամբողջությամբ:

Հատորի հեղինակ Ադրիանո Ալպագո-Նովելլոն ընթերցողներին ծանոթացնում է իտալահայկական երեք արշավախմբերի կատարած աշխատանքներին (1976, 1977, 1984)՝ «Իրանական Ադրբեջանում գործող արշավախմբերի հաշվետվություն» խորագրով: 1976—1977 թթ. հետազոտությունների արդյունքները նախապես հրատարակվել են, իսկ 1984-ինը առաջին անգամ այս գրքում է տպագրվում:

Գրքի սույնի՝ «Պատմական ակնարկ» հոդվածում հեղինակը ամփոփ ներկայացնում է Հյուսիսային իրանում ապրող հայերի պատմությունը և վկայում, որ Պարսկաստանում հայերի մասին առաջին տեղեկությունները գալիս են դեռևս մ. թ. ա. VI դ. իսկ Շահ Աբասի կողմից հայերի բռնի տեղահանությունից և Պարսկաստանում վերաբնակեցնելուց հետո հայերի գործունեությունը ավելի լայն ծավալ է ստանում: Ժամանակ առ ժամանակ նրանց տրվում են առանձնաշնորհումներ: Կրոնի հարցում պետության հանդուրժողական դիրքը թույլ է տալիս հայերին բարգավաճել՝ պահպանելով և՛ ազգային ավանդույթներն ու սովորույթները, և՛ կապը (թեկուզ և թույլ) բուն Հայաստանի հետ:

Իրանական Ադրբեջանի հայկական եկեղեցիների աշխարհագրական տվյալները և ճարտարապետական տիպաբանությունը վերնագրով գրքի զխավոր հոդվածում Ալպագո-Նովելլոն գրում է, որ պատմական սուղ տեղեկությունները, երբեմն լրիվ բացակայություն, տրոհվել են տալիս հետազոտողներին հիմնականում հենվել տեղաբնիկների լեզվով խոսելի վրա: Աշխարհագրականորեն բուն Հայաստանից կտրվածությունը, տեղական էթնիկ տարրերի ու կրոնական տարբերությունների անխուսափելի ազդեցությունները, բնակիչմայրական պայմանները թելադրել են այս շինություններին ստանալու ուրույն ճարտարապետական ձևեր՝ համադրելով տեղականն ու ազգայինը թե՛ ճարտարապետական ձևերի և թե՛ շինարարական տեխնիկայի առումով: Բայց ինչպես հայ ճարտարապետության մեջ ընդհանրապես, այստեղ ևս XV—XVIII դդ. վերածնունդ են ապրում բուն հայկական ձևերը, ինչպես Մուսուլմանի, Մահմադի, Կարա-թիխսիի և Սարգիս բազիլիկ եկեղեցիները, ս. Թազե և ս. Ստեփանոս վանքերի զխավոր եկեղեցիները, Խոյի ս. Աստվածածնի, Ղարաբաղի ս. Պետրոսի գմբեթավոր եկեղեցիները և այլն: Իսկ Գյարդարազի ս. Գևորգ, Դարաշամբի ս. Աստվածածին, Նախիջևան Թափայի ս. Աստվածածին և Ֆանայի եկեղեցիները թե՛ հատակագծով և թե՛ արտաքուստ կրում են տեղական իրանա-սասանյան շինարվեստի խոր ազդեցությունը: Շինանյութը լեռնային շրջաններում կոպտատաշ, շատ հաճախ անտաշ քարն է, հովիտներում՝ աղյուսը և պարզապես կավածեփ շինությունները: Եկեղեցիների ներքին մանրամասներից հանդիպում ենք հարթ փայտե սյուներով տանիքների ու հաղարաշեն կառուցվածքով գմբեթների: Ա. Ալպագո-Նովելլոն նկատում է, որ այս երևույթը (ժողովրդական տան մոդելը՝ հաղարաշեն երդիկ և զերանների վրա հանգչող փայտե տանիք) հայ եկեղեցաշինության մեջ հազվադեպ է օգտագործվում, բացառությամբ Առաքելոց վանքի գավթի:

Իրանի հայկական եկեղեցիների համառոտ աղյուսակով հեղինակը փորձում է դասակարգում մտցնել տարածում գտած եկեղեցական տիպերի մեջ, իսկ ըստ շրջանների առանձնացված ծխական եկեղեցիների լայրենական ցուցակը ամբողջական պատկերացում է տալիս այլտեղ գտնվող կրոնական շինությունների տեղի, ժամանակի, շինանյութի և այսօրվա վիճակի մասին:

Գրքի վերնագիրը կրում է Սորհույ անունը, որը մեղ թվում է պայմանական, քանի որ հենց Սորհույ գյուղի ս. Հովհաննես եկեղեցուն նվիրված է մի փոքր հողված միայն, Սույն եկեղեցին կառուցվել է 1840 թ., համանուն գյուղի բարձունքում: Գմբեթավոր սրահ է, երկհարկ նախադավթով, որի վրա բարձրանում է աշտարականման բարձր թմբուկով զանդակատունը: Գլխավոր կենտրոնական գմբեթը արտաքուստ գլանաձև է, իսկ վեղարը՝ կոնաձև: Արտիդի թաղը ավարտվում է արտաքինից բրգաձև փոքր գմբեթով: Ներքին գլխավոր հարդարանքը կենտրոնական կախովի առաջաստների վրա հանգչող գմբեթն է: Շինանյութը աղյուսն է: Խտլացի հեղինակը նկատում է, որ եկեղեցու աշտարակաձև զանգակատունը հիշեցնում է Իրանի սելջուկյան դամբարանները, հովհարաձև վեղարը զուտ հայկական երևույթ է, իսկ արտաքին պատերի կեղծ կամարաշարը ռարեմտյան մոտիվներ են, բայց, ավելի ճիշտ, ներկայացնում են Անիի դպրոցի առանձնահատկությունները: Ծնթագրվում է, որ եկեղեցին կառուցվել է այն ժամանակ, երբ ֆրանսիացի ճարտարապետներն ու Քիֆլիսի ուսուսարհատավորները Թավրիզում կառուցում էին մի շարք եկեղեցիներ, և որ Սորհույի եկեղեցին էլ դրանցից մեկն է: Լարոզ է լինել:

Գիրքը դարդարում են գունավոր լուսանկարների հավաքածուն և չափադրական-վավերագրական հատկագծերը:

Ա. Ժ. ՀԱԼԱՋՅԱՆ